



1948

1587

Bosnia and Herzegovina  
Federation of Bosnia and Herzegovina

**CANTON SARAJEVO**  
**Ministry for Education, Science and Youth**

Broj: 01-05-23628-9/19  
Sarajevo, 8.7.2019. godine

**SKUPŠTINA KANTONA SARAJEVO**  
**n/r Elmedina Konakovića, Predsjedavajući Skupštine Kantona Sarajevo**  
**-ovdje-**

**PREDMET: Odgovor na zastupničku inicijativu**

Na Desetoj radnoj sjednici Skupštine Kantona Sarajevo, održanoj 24.6.2019. godine, u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa Poslovníkom Skupštine Kantona Sarajevo, zastupnik Damir Marjanović je postavio sljedeće zastupničko pitanje: „Da li su članovi školskih odbora dužni prilikom izbora direktora srednjih škola tražiti mišljenje i uvažiti to isto mišljenje struktura iz kojih su izabrani“?

**ODGOVOR**

U članu 146. Zakona o srednjem obrazovanju („Službene novine Kantona Sarajevo“, broj: 23/17), su opisani uvjeti za imenovanje direktora srednje škole, procedura imenovanja, kao i obaveza Ministarstva za obrazovanje, nauku i mlade da donese propis kojim se preciznije definira procedura izbora, kriteriji za izbor, nadležnosti i rad direktora srednje škole.

S tim u vezi, donesen je Pravilnik o izboru, kriterijima za izbor, nadležnostima i radu direktora srednjih škola („Službene novine Kantona Sarajevo“, broj: 46/18), kojim je uređena procedura za izbor, imenovanje, kriterije za izbor, nadležnosti i rad direktora srednjih škola. U članu 6. Pravilnika je navedeno da direktora srednje škole kao javne ustanove imenuje i razrješava školski odbor, na osnovu javnog poziva i uz saglasnost Vlade Kantona Sarajevo.

U članu 8. Pravilnika, propisana je procedura izbora direktora, pri čemu je u članu 8, stav 11. Pravilnika, navedeno da su članovi školskog odbora dužni o utvrđenoj rang-listi i izboru direktora srednje škole, upoznati strukturu iz kojih su izabrani.

Dakle, prije donošenja odluke o izboru najbolje rangiranog kandidata, članovi školskog odbora su u obavezi informirati strukturu koju predstavljaju o kandidatima za direktora škole, odnosno o rang-list koja je formirana.

U određenom broju srednjih škola, članovi školskog odbora traže mišljenje strukturu u vezi sa ovom problematikom, dok u određenom broju srednjih škola, članovi školskih odbora uopće ne konsultuju strukturu koju predstavljaju.

Činjenica je da Pravilnik nije najjasnije propisao obavezu članova školskog odbora da uvažavaju mišljenje strukturu koju predstavljaju.



web: <http://mon.ks.gov.ba>  
e-mail: [mon@mon.ks.gov.ba](mailto:mon@mon.ks.gov.ba)  
Tel: + 387 (0) 33 562-128,  
Fax: + 387 (0) 33 562-218

Sarajevo, Reisa Džemaludina Čauševića 1



Međutim, Pravilnikom o izboru, nadležnostima i načinu rada školskih odbora srednjih škola Kantona Sarajevo („Službene novine Kantona Sarajevo“, broj: 42/17), je uređeno pitanje izbora, nadležnosti i načina rada školskih odbora srednjih škola.


Jasno je propisana procedura izbora člana školskog odbora iz reda roditelja i nastavnika, te je navedeno da je podršku vijeća roditelja, odnosno podršku radnika škole, osigurao onaj kandidat koji dobije više od 50% glasova od ukupnog broja članova vijeća roditelja, odnosno ukupnog broja radnika škole.

Ovu činjenicu posebno ističemo jer smatramo da je procedura izbora članova školskog odbora, jasno propisala da izabrani član školskog odbora ima podršku najmanje 50% strukture koju predstavlja, što znači da bi se trebale provesti konsultacije sa strukturom koju predstavljaju, u vezi sa svim važnim pitanjima.

Ali, ova obaveza, nažalost, nije jasno i precizno navedena, što je u prethodnom periodu uzrokovalo donošenje odluka školskih odbora, suprotno mišljenju struktura iz kojih dolaze članovi školskih odbora.

S tim u vezi, informiramo Vas da će navedena zakonska obaveza kao i podzakonski akt, koji regulira ovu oblast, biti u fokusu interesovanja u Ministarstvu, prilikom rada na izmjeni Zakona o srednjem obrazovanju.

S poštovanjem,



MINISTRICA

*Mr. Zineta Bogunić*



web: <http://mon.ks.gov.ba>  
e-mail: [mon@mon.ks.gov.ba](mailto:mon@mon.ks.gov.ba);  
Tel: + 387 (0) 33 562-128,  
Fax: + 387 (0) 33 562-218  
Sarajevo, Reisa Džemaludina Čauševića 1

